



MARTIN 4.

8038





LETTRE DV  
ROY DE NAVARRE AVX  
ILLVSTRISSIMES SEIGNEVRS  
de la Republique de Berne.

*Leuë publiquement en l'Eglise Cathedrale de Troyes, le xx. du mois de Septembre, à fin que chacun cogneut clairement le but du Biernoys.*



*Su yuant la coppie Imprimee,*

A PARIS.

*Chez Guillaume Chaudiere,*

*Rue S. Iaques.*

M. D. LXXIX.

*Auec permission.*

Case

F

39

326

1589 hel

THE NEWBERRY  
LIBRARY



*AVX ILLVSTRISSES*  
*Seigneurs de la Republique*  
*de Berne.*



**L**LLVSTRISSES  
 Seigneurs, sur nos lettres du  
 sixiesme Aoust, nous croy-  
 ons que cognoissât l'Estat des affai-  
 res de France vous auez, côme nous,  
 loué Dieu de ce qu'il nous a vengé  
 de nostre vieil ennemy par la main  
 de nos ennemis mesmes. Il sembloit  
 que la necessité des troubles au Roy  
 aume le eussent reduit au bon che-  
 min, & à nostre party, suivant qu'il  
 iuroit avant sa mort: Mais vous sça-  
 uez comme les nouvelles recôcilia-

tions sont suspectes & perilleuses:  
Tant est que pour nous rendre suc-  
cesseurs à la Couronne, & heritier  
de ses forces & munitions de guerre  
le Seigneur semble auoir voulu  
choisir l'opportunité du temps &  
du lieu, au coup que miraculeuse-  
ment il a frappé à nostre aduanta-  
ge: Ceux qui nous sont contraires  
s'en resiouyssent, & nous encores  
plus. Vous iugerez si nous n'en auôs  
pas meilleure raison que les autres:  
Toutesfois la discretion nous com-  
mande de dissimuler vn peu de  
temps, autrement nous estions en  
danger de perdre vne bonne partie  
de l'armee, & d'aliener le cœur du  
peuple, lequel vous cognoissez assez  
endurcy aux erreurs de la vieille re-

ligion, C'est puorquoy les mieux ad  
uisez & affectionnez de nostre Con-  
seil, ont trouué bon de publier cer-  
taine Declaration par laquelle no<sup>r</sup>  
iurons & promettons la conserua-  
tion de la foy Romaine : Dequoy  
voz Illustre. S. seront aduerties, ainsi  
que ont esté celle d'Angleterre, d'Al-  
lemaigne, Holande, Zelande, Gene-  
ue, Sedan & autres villes de la Fran-  
ce, afin que les fideles & esleuz du  
Christ n'en prennent aucun vmbra-  
ge, iugeant facilement à quelle fin  
tendent les desseins de nostre inten-  
tion. Nous nous promettons de vo-  
stre part que n<sup>o</sup> seulement vous lo-  
uerez tel stratageme, mais aussi que  
le ferez approuuer par vos confre-  
res & voisins, lesquels vous assure-

rez de nostre deuotion immuable à  
l'Euangile, & à la gloire del'Eternel,  
en esperant que d'oresnauant nous  
en rendrons bon tesmoignage, en  
ayant les moyens plus que iamais:  
Et pour n'en estre ingrat, croyez que  
nous ne perdons temps à cultiuer  
l'heritage du Seigneur, pour en tirer  
le fruiët par tout nostre Royaume:  
Mais ce ne sera sans quelque peine  
au commencement attendant l'esta-  
blissement de nostre puissance abso-  
luë. L'on s'asseure bien qu'à si bon  
œeuure vo' n'espargnerez chose quel-  
conque de voz moyës, veu mesmes  
que noz plus grâds ennemis de Ro-  
me & d'Espagne, se declarët ouuer-  
temët, & ont promis secourir d'hõ-  
mes & d'argët pour s'opposer à no'.

Du Harlay Senssy, va en voz quartiers pour faire leuee telle que luy accorderez: A cest effect il a toute charge & Procuratió necessaire. Et entre autres memoires vos S. verront, si leur plaist, le nouveau Serment que nous auons presté à l'aduenement de nostre Royaume, d'y maintenir & augmenter la Foy en laquelle nous entendons viure & mourir avec vous, suiuant l'instruction receue au berceau: Ce que seruira d'asseurance contre le soupçon de la Declaration publiee en nostre nom par ce Royaume.

Nous vous prions à ce coup nous assister comme cy deuât vous auez fait, aux occasions qui se sont presentees pour le seruice du Seigneur,

& lors qu'il y auoit plus de peril que  
maintenant. Venez donc non point  
tant pour combattre que pour rece-  
voir la recompêse des traueux pas-  
sez, car il y a moyen de vous em-  
ployer & vous reconnoistre ample-  
ment.

Du Camp de Beauuais ce 18. Aoust,  
1589.

Signé, HENRY, Roy de France  
& de Nauarre.

Et plus bas, RYZE.

